



Pou Piblikasyon Imedya: 17/08/2023

GOUVÈNÈ KATHY HOCHUL

**APRÈ DESIZYON SENKYÈM DITRI A KAP ESEYE LIMITE AKSÈ AK AVÒTMAN
ATRAVÈ MEDIKAMAN, GOUVÈNÈ HOCHUL SOULINYE NEW YORK PRAL YON
"PÒ KI AN SKIRITE" POU TOUT MOUN K AP CHÈCHE SWEN AVÒTMAN**

Nan mwa jen an, Gouvènè Hochul te siyen lejislasyon pou pwoteje Doktè New York ki preskri medikaman pou avòtman atravè liy eta yo

Depatman Sante Eta New York la te garanti 150,000 dòz avòtman atravè medikaman pou prepare pou ogmante bezwen si yo entèdi Mifepristone nan tout nasyon an

Gouvènè a te etabli yon fon sipò pou founisè avòtman ki evalye a 35 milyon dola kap mennen nan asyon an pou pwoteje aksè ak avòtman apre desizyon Dobbs la

Gouvènè Kathy Hochul jodi a mete aksan sou etap New York ap pran pou pwoteje aksè ak swen pou avòtman, ki gen ladan avòtman aravè medikaman, apre yon desizyon tribinal federal ki te eseye anpeche aksè ak mifepristone (mifepristòn). Tribinal Apèl Etazini pou Senkyèm Sikwi a te bay yon desizyon pou anpeche doktè preskri mifepristone san yo pa vizite an pèsòn epi pou entèdi yo voye medikaman sa a bay pasyan yo pa lapòs. Desizyon an pa afekte imedyatman aksè ak mifepristone, men pwoblèm nan prevwa ale devan Tribunal Siprèm Ameriken an nan mwa kap vini yo.

"Pandan n ap kontinye temwen ekstremist anti-chwa yo mete restriksyon sou aksè ak swen repwodiktif tankou avòtman atravè medikaman nan eta yo atravè nasyon an, mifepristone rete legal epi disponib isit la nan New York", **Gouvènè Hochul te deklare.** "Mwen pran angajman pou asire avòtman rete an sekirite, aksesib, ak legal nan eta nou an epi mwen pral toujou goumen pou New York kontinye rete yon pò ki an sekirite pou moun ki bezwen swen repwodiktif."

Nan mwa avril 2023, Gouvènè Hochul [te anonse](#) ke Eta a pral estoke medikaman pou avòtman ki se Misoprostol nan kad efò kontinyèl yo pou pwoteje aksè ak avòtman. Sou enstriksyon Gouvènè a, Depatman Sante Eta New York (New York State Department of Health, NYSDOH) te kòmanse achte Misoprostol imedyatman pou yo kapab estoke 150,000 dòz, yon rezèv pou senkan, pou satisfè bezwen yo prevwa yo. Gouvènè Hochul te anonse tou ke si yo retire medikaman pou avòtman Mifepristone lan sou

mache a, Eta a pral angaje jiska yon lòt 20 milyon dola bay founisè yo pou sipòte aksè ak lòt metòd swen.

An jen 2023, Gouvènè Hochul [te siyen](#) lejislasyon an lwa pou ranfòse aksè pou pwoteje pasyan ki bezwen swen pou avòtman atravè sèvis telesante ak doktè ki bay swen an. Lejislasyon sa a elaji lwa Eta New York la pou asire doktè, founisè medikal, ak fasilitatè yo nan eta a kapab bay pasyan ki andeyò New York sèvis telesante san yo pa pè litij nan eta kote sèvis avòtman yo entèdi oswa limite.

Gouvènè Hochul [te siyen](#) tou lejislasyon an me 2023 pou asire ke chak elèv ki enskri nan yon kolèj SUNY oswa CUNY gen aksè ak avòtman medikaman sou kanpis la. Lwa mande pou chak kanpis SUNY ak CUNY bay etidyan yo aksè ak medikaman avòtman swa nan anplwaye oswa nan kontra avèk moun ki otorize yo ki ka preskri medikaman sou preskripsiyon pou avòtman, oswa lè yo bay elèv yo enfòmasyon ak referans bay founisè ki otorize yo pou preskri medikaman pou avòtman.

Nan mwa me 2022, Gouvènè Hochul [te anonsé](#) yon envestisman 35 milyon dola lidè nan peyi a pou sipòte dirèkteman founisè avòtman yo nan previzyon anilasyon Tribunal Siprèm *Roe v. Wade* la. Gouvènè Hochul te mande Depatman Sante a pou kreye yon Fon Sipò pou Founisè Avòtman 25 milyon dola pou founisè avòtman yo alafwa pou ogmante kapasite yo epi asire gen aksè pou pasyan k ap chèche swen avòtman yo nan New York. Gouvènè a te anonsé tou gen 10 milyon dola pou sant swen sante repwodiksyon yo pou evalye sibvansyon sekirite yo atravè Divizyon Sèvis Jistis Penal la (Division of Criminal Justice Services, DCJS) pou ede asire sekirite founisè k ap bay swen vital sa a.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418